

竹
坡
類
藁

送三衛貨墨童文寶子玉序

柯山童君子玉挾陳玄之藝以游素

墨譜

李執書

上忽出示

余畏友汪兄平叔贈行欲請下一轉語余若不辭書然有挾是
兄過者輒整蓋囊為收一工凡積之歲月不覺盈篋足了此生
矣竊又自嘆人之磨墨未若墨之磨人也已收者且當束之高
閣何須更求今於童君復得二螺事見坡詩首把玩再三弗忍
去手遂併藏諸篋中乃知此寶如良金美玉愈多不厭昔既爭
蠟屐自謂一生寧著幾兩倘對客自蠟略無愧色彼癖於所嗜
且汲、若是沈猶生毛穎陶泓三公子所寶以為友者人、皆

知貴盡其肯綮其已有而倦於搜羅乎童君試將此以謁當世
鉅公藝何患不售 嘉定八樞十月旦 新安呂平 伯可書

送祝伯益東遊序

六月之杪予以倉檄至秋浦寓道紀堂日趨臺治循墻北廊見
有大題扁榜曰新安祝祕校知其為鄉人而未之識也一日過
予自言本儒家有流談天說詩評論人物家、不休三十年前
所得諸公贈語皆朗誦無遺忘聞者驚悚謂君強記若此使業
儒不廢胡可量也捨是而以五行之說游不幾于左計乎予謂
儒學與藝術大小雖不同均可託以行道嚴君平賣卜季、依
忠孝以教人此豈直拘泥者卦而已哉五行之說始于箕子之
時演于劉向之傳至以人之始生年月日所直日辰支干相生

勝乘死相生推人壽夭晉賤則見于唐李常容近世乃盛行能
造其真者百不一二祝君獨以儒業此故其推明辨說皆有據
依驗之多奇中不止如庸術揣摩迎合以規小利士大夫其不
收愛之所謂鉄中錚錚者也又數日未獨將東游金陵抵北固
走淮甸還道浙右以達于京且索詩贈行予方有公事未暇著
語姑述其梗概而申告之曰君嘗業儒亦聞孟軻氏之言乎曰
口之于味也目之于色也性也有命焉君子不謂性也仁之于
父子也義之于君臣也命也有性焉君子不謂命也軻之意蓋
欲使人知命而不達其性盡性而不徒委于命其以天理人心
詔天下後世最高明切之君言命如能特是以遊于今之世而
不囿于是爲曆史之粗庶不畔於吾儒名公鉅卿必自有利目

倒疑者君曰諾盡為我書之

贈東道士秋流

余與東善話別秀穎年親忽三換矣羽衣翩跹訪余雲上遠憐
承郭南又得追尋至此其志益甚勤也杯酒從容道舊始知近
以善地理游緒神間余雖不解此然嘗讀鄉先生大監王公送
曹城之序見其評論古今得失極詳雅以孤青經郭氏墓書為
祖終及于言甘者用之有禍言苦者信之有禍尤為理到了若
世傳尚書倪公勸戒有四陰地好不如心地好此論又高要之
合二公之說並行之財本末体用始為周備管見如此庶善以
為如何

贈寂照居士詩序

寂然處士儒家而粹行往來江淮間士大夫多與交游詩翰盈
軸遞追秋浦以鄉人故日相遇漫談辯風生偶頃泉涌又能外
形骸以理自勝一日袖示其自號二字曰此出楞嚴經蓋為我
下一轉語予素不曉佛書罕諱弗獲且勿理歸裝不暇抒思
勉述淺聞成五絕以荅之

送李少楊詩序

予去歲寓中郡全歲客秋浦皆與李式少楊相解后尊酒論文
殆無虛日人始而疑終而信少楊今失意西歸訪別間似以故
鄉必有擲掄者不能忘懷予謂垂綢回轍亦事之常塞翁失馬
未必非福天既抑少楊如予此則其所以伸少楊者要必有在
因其行也成五十六字以勉之

傅神程元振詩序

己卯附月余以台檄自當塗客秋浦鄉人程處士得、來遇訪
里中事未竟袖出所寫真多故舊展玩不忍去手即袖毫和墨
撰及蒲柳之質欲歸以為他日話柄因謂曰游子懷土久矣若
憑子為介紹一見鄰里鄉鄰幸甚第塵埃奔走形容都矣獨語
音僅存耳余冷眼相看無一語交際見者尚疑余之貌而豈知
余心耶雖然子不遠數百里至此官卑且旅無以相軒輊奈何
作而應曰遠來無他親得為我著一語足矣此意不可虛辱輒
課七言八句一首以贈行

選田疇惠封序

嘉定辛巳良月某寓處四明蕭寺同僚中丞言華亭田君博通

六籍論孟皆爲之說而于河圖最深心固知所攷慕矣一日相
遇于李廣文座上微談及魯論詩礼率新奇有據儒先所未道
其論易則專以卦畫推明辭旨又以大衍五十通知于萬二千
五百二十以爲此自然之數毫厘不差口謂指授聞者嘆服烏
乎徑未易言也易尤精微唯知漢儒專門名家独田和何以易
者君豈其苗裔耶某李晚無師且以作吏廢然于論孟嘗讀晦
庵先生集注于詩書嘗讀東萊先生記說于易又嘗讀伊川先
生之傳規鉅竅陋終不能窺其藩籬雖默亦料如心刀彫耗至
欲逆四方師友相方閱誦遺言以求真是之歸以無負初心奉
奉未忍自棄比聞郡博士与卿大夫士招致四君朝宮敷說經
義觀聽甚盛某方有公事尼不獲往來幾君以俸避懷端告其

繫之雖之豈無是情鵬然猿驚浩不可遏于是率意所欲言者
以為序且志吾過廢邂逅田君者知汲于親民云

送徐制恭序

沿海制恭徐公始以縣令高第擢武襄陽邊隙開大帥日夜憂
備樂計不知所出公慨然自以為功條畫指麾不論事巨細地
遠近險易必躬必親一府倚以為重天子聞而嘉之進守均州
驍、卿用矣公益感激思奮謹邊備如在襄陽時不來公者以
生事中傷公 漢陽公方勇退未嘗見不平于色也未幾君相
復欲拔用且謂明浙東濱海郡為今股肱北控湖南通閩廣東
引高麗挾桑日本諸回羣盜出沒其中雖制帥有人宜得練歷
有才幹者往為參畫即以命公至則廉明鎮靜得將士心盜賊

屏迹還舶往來無繫去天尺五轉而上聞父矣新安呂某自越
來明符公折官位輦行與交又以同寓蒲寺故情益親每見公
避止詳雅言曰：如不出諸口至遇事精明神矍鑠有奮不顧
身急抑何齒之宿而志之壯也今奏最入覲天子方延攬耆英
規取踐方故疆則馳至今城番上方略乞詢公者將問津謹述
所見聞于公者書以為餞行叙蓋嘉定辛巳十一月十八日也

送劉南仲序

孝廉劉君當高皇中興盛時以節行著某生晚不及識歲在
己亥自烏程叔承故郵識君之孫南仲賢而有文雖處窮約氣
貌溫如無恨悻急迫之態心甚敬愛之別且六年復邂逅后行都
南仲犹未脫場屋意其必有不憚于心者拉相与握手道白懷

甚調色堂暇與時音無以異可謂能常其樞矣一日出亦徐給
事所為存廉君贊及諸公題咏伏讀再三然復知孝廉之風而
仲之德輝映後先非一日積也夫積善必有餘慶不在其身必
在其子孫由孝廉積而至南仲三世矣愈積愈厚慶其可詳乎
而仲方歆還里中借阿戎就科舉什間有父子捷音同奏臆仕
耻登使人欣慕為一門盛事者必南仲也于其別姑書以為贈
或見舊漢政旧其告之

送吳提幹敘

加定癸未七夕前一日錢塘吳君砥夫以浙東鹽幕政化代還
同僚相与留連不思其去新安呂某嘗贊貲幕底荷砥夫相得
歡甚秩滿僕次仍僑寓自治下砥夫為敘不替時音雖旅如歸

馬政尤不忍其志欲述所欲言以明贈賂之義始砥夫之來人
見其闕閤穹崇春秋為盛往以綺襦絺袴易視之砥夫下車
即律已廉接人謙蒞政勤吏更戾足蹈如言恂如略不見
其有表襮之色人固已驚疑之矣犹將觀其終之如何砥夫婉
畫而載有奇不以使輶遠近異其心既業優裕勝其氣其廉其
嫻其勤其戾其無表襮色雖去之日犹始至故使者欽重同僚
即親民吏愛而畏之歌誦善政東西行者萬口一詞也蓋人之
于砥夫始而忽中而疑終而翕然服且信昔子產相鄭一年人
欲殺之三年而後人歌之人固未可徒觀其初徐公之有常前
日之通即今日之介論固以久而定也雖然砥夫處方壯仕方
貴為事方日益誠大然泉達自強不息別所謂其處其謙其勤

其後其無表操色砥夫必益勉于他日而某亦終獲知人之名
矣砥夫嘆而述之述書以為序蓋七月十有三日也

會稽運行詩集序

新安汪公帥越歷年之多比唐元稹而治行過之越為帝鄉去
天尺五聖天子知之為深歲在戊子冬十有二月乃頒召命
入對清光奏第剏切玉音勞問甚渥即日拜地官侍郎方
未至聞趣旨旁午越人久安公政款復清留不可相与揣為歎
得形容功德之美舒寫懷思之情長篇鉅軸大書特書門生
呂某旧居公幕下茲又獲与寓目為因三咏三嘆而言曰今之為
邦以能稱者矣至才德兼全始終如一吏聞十年無毫髮可議
者未之有也今之因其邦君之去摹倣以詩者亦多矣至詞情

真誠愛戴無敢衆口一談無毀譽不齊者未之有也。前是越疏
彫敝聞稱僅足公于租賦祇取經常且多所弛舍而上供之外
公務民事百廢且興。礼祭文物靡不修舉。復斥其餘以及釋老
之宇而積歲于府庫者犹數十巨萬。越為督府領郡惟七地廣
而事繁。公時兼三司。晨起坐聽事。隨來即決。曲當事情不踰時
吏連庭空竟日蕭然。知不可欺。莫敢輕犯。而恩意决洽上下
相安。吏犹吾奴。民犹吾子。闔府犹吾一家。此意所感。人尤不忍
欺之。夫設官分職率以一年三為期。過是則改矣。非特其才有
限亦微猶會吝有以致之。公接人以礼而無苞苴之奉。律已以
廉而有調御之仁。以故惠博而財豐。身安而人敬。十年之愛邦
人視犹慈母。情以為命。一旦遽去。其能忘情于公哉。如跋如聲。

公所建也如砥如矢公所聞也衣食公所賜子孫公所生也湖
山公所經行書刻公所紀錄也公久欽惠吾州行且均惠四方
而運以及吾州也公始以郎星至今以次對行將論思甘泉晉
陟紫樞以復青氈之舊也先正侍御公書門決于斯給事公又
臨鎮于斯公全繼之雄第宝章公又襲之是又衣冠之盛事也
鋪張揚厲炳耀鏗鏘皆發乎真情非飾虛詞應故事而已聞公
行時倪旄列道旁拜手頌祝休、不能去至有泣下者此豈可
強而致哉昔召伯敷明南國甘棠之詠列于二南畢公保釐東
郊風移三紀無窮之聞存于噩、之書今公之功德與人之懷
思當与此詩俱傳不朽異時秉史筆者採之以登載國史漫与
召南周書等類不俾次述告于公書以爲于越錢行詩敘

送三君入淮東帥幕府

始某爲浙漕幕屬也。同僚多賢才如葛丞相之謙謹范逸仲之
誠實趙端甫之慷慨皆某所敬愛而資法者自叨省輪到未閱
月已不勝人進之嘆。犹幸屈匪相遠可時往來也。今兵待待制
趙公世著忠勲表。愈偉奉天子命經理淮甸。首公內外之舉
以爲助。而三君皆被辟入帥幕。相望天一涯。各有職守。異時春
樹暮雲。每一懷思。豈能千里命駕如古人也哉。雖然。此持某之
私情耳。趙公是行朝廷之恭注甚深。貴重甚重。則其辟置三君
也。非曰便其私而已。將資之以荷其養而任其責者也。資吾端
甫者何。博採羣謀。旁搜人物。朝夕審畫于內。以爲備禦之計。端
甫不得辭也。資吾承伯。遠伸者何。商榷軍務。考校事情。朝夕贊

佐于外以爲備禦之計承伯遠仲不得辭也雖然此持三君之
職耳聞趙公是行朝廷許以便宜從事公控辭甚力上委付
益專可謂推轂授鉞而寄以腹心矣公又寄腹心于端甫且因
端甫寄腹心于承伯遠仲且以腹心待下：不當以腹心授上
耶此公志也三君意也某懷之望也乃若通達中外之情俾
魚鱗芥杆格以共成大功則尤有望于端甫行之日同僚置酒
風雲慶會聞道別某懷不能已輒書此以爲贈監簿丁君弄鄉
明純純直表裏如一趙公素尊信亦輒鴻班行往爲帥幕領袖
抑三君之幸也願併以是告之紹定六年十二月 日 某序

送趙兵侍往維揚敘

國家自開禧用兵以來邊臣帥閫謀夫猛士出應時須者不知

其幾而又武兼實忠清諒著勲勞甚偉華夏胥服有若端甫趙
公之在荆襄如泰山焉拔莫不尊仰蛟龍猛虎莫敢窺視
平杜蓋通之時謂公有二英胡今二書兵侍是也或有知勇戰
將守國為公之助屋多暨運全懷不軌知者未必言者未必
行玩寇弄患恬不為恤独二書兵侍二公有誓不與賊俱生之
意逆全反狀既成衆將胎束手聖天子赫怒震怒今丞相鄧
公密贊其決以滅賊之指授二公不旋踵而逆全誅淮東定匪
特去積年腹心之患且使四夷知中國之有人倚欽盛哉二公
又能隨釋兵柄畢請就道告成天朝君相擢用尊顯皆登法從
躋改在禁中矣然而殘虐未殄隄人燭張唇齒可愛預防敢繼
于是與侍公首膺淮東割垣之命即日出關略無幾微見于顏

面凡而忠肝義胆奇謀秘畧兵財賦鋒攻戰守禦之具兵恃公
固不待人言也或者以韃人橫行西北莫之敢撓未易以逆全
庸論兵恃公其思所以謹之于嗚呼曹操之起吳符堅之入
晉与近世逆亮之犯淮風鼓氣族豈不百倍于韃而周瑜謝元
虞公先文筆談笑却之此魚他志不懾而氣不餒故能以少擊
衆以弱勝強耳兵恃公首誅逆全固有餘地當聞維揚之討壘
山陽之逆逆韃人皆在逆全軍中亦當助全而嘗試于我矣
綏一交鋒奔北不支得非是時兵恃公之志氣有同于周謝虞
公之不懾不餒歟而況太剛則折大強則滅未有夷狄強暴如
此而不亡者惟自盡其在我以待之而已某荷公知遇甚異于
公行也敢不以告紹定六年十二月二十三日

送汪清之序

鄉人汪君清之，垂就鄉舉，未名荐書，因謂吾齒髮垂三十日月，適返，懼無以副庭闈之望，欲改轍從清，聞必有一命，乃可遂。僥得勇爵，將問津鞭笑焉。則又謂吾懼人不我知，例以鵷冠見，輕來行，都不妄交，不事戲嬉，日曳裾名公鉅卿門，冀聆其粹氣，以自益，藉其教光，以自立。噫，不可謂有志之士矣。余聞科本特舉，假途耳，得矣有命。鄉与清，魚聞也。雖然，古人有言：登山探玉，入海求珠，各從其志。清之既有志于清，聞功業事成，何內不濟耶？昔子張問達夫子教，以質直好義，等語，其學干祿也，則以寡悔之說教之，名与位是人之所欲也，而得之有道，清之方政于臨庵先生之事，必于是清明，熟矣。由是而為志焉，名位何患于

卑微清之勉之哉予其將歸輒書以為贈

送程德章歸新安叙 縣東南山人

始予游黟之桃源自墨嶺入兩石對峙如劔門城堦左萊壑谷
右後心園已異之少進峯壑周遭巖洞嵌空路極曲深窈可二
十餘里至黃陂忽軒路平衍古木挺拔列道傍山從北來橫亘
端聳宛若屏障東西兩臂皆重復蛇蟠其南則丁其二峯秀麗
奇特上入雲霄四山相拱揖環繞連屬如城郭然中有双溪循
兩臂流注瀨湍激交全于甯峯之前公廩之居人士之廬與山
光水色相照映峙者釣者老者潛者如在畫中使人洞心曠目
應接不暇李太白所謂別有天地非人間也予志山川若此必
鍾秀于人其顯者既已登政府躋法從祀虎符節表之當世與

是山川英灵之氣旁礴而上騰矣而未達者豈無書林藝圃鑽
研理妙風辰月夕吟詠性情以磨礱得聘于烟霞泉石間如山
川英灵之氣鬱積而未發者乎予廢我見之一日解后程君德
章清修閑雅和而有和守于書無所不讀間吐出詞章詩句無
不逼人第隸行州琴瑟皆精詣德章少年有志場屋蔚然見頭
角謂功名可夙契致至是犹未得一展抱負乃游戯詞翰一得
一梓以自適其達豈非所謂英灵之氣鬱積而未發者歟見
此異人勝得異書矣別兩年復會于行都酌酒話舊慨基所愧
無以相報軒耳抑聞之積久者發必宏渭濱降中決不与州木
俱腐予于滄章深有望也因其歸書以為贈或使道見邦君視
公得進而叩之其必以予為知言嘉熙二年七月七日里人某
序

餘學探盟序

大夫掌教子卿政察必慕德藝君子取象于澤謂習正在及剛
況文章雖小技而難工義理有正傳而當究惟外務切、促、
之一內懷技、汲、之忱將左右以逢原自吳華之發外援厚
可以化于邑庶免具文獻賢能之書于王即觀盛事凡同盟者
幸各題語 紹定二年 十二月 日 序

蕺師求寄閑詩集敘

蕺師酷好吟詩与余遊舊矣一日袖示所作一編弓余文冠其
首余讀竟疑而問焉師亟言學詩于雲泉願此編亦曾示之願
云何休製与雲泉詩卷不類豈師欲自出机軸或願欲有隱乎
尔若是則英季之云師僥不答余又問序當屬願而属余何也

則應之曰昔參寥未有聞以藕花魚數滿汀洲之句見賞于坡
仙遂以能詩稱諸公聞錢塘勸聽詩亦皆得坡叙以傳當願附
此義余謂師敵推不已句法日進于三子何遜若品題則余非
其人也姑就師清更下一轉可乎老泉以釋老之徒求知于書
士大夫為振其師至以人臣無外交責之師好与士大夫往來
詩間道吾儒語其遇余尤動不隨世矣原不問路遠近今又索
余序文則外交笑此余所以益疑也幸以余所擬与雲泉細論
之 端平二年 閏七月二十日 耐軒 序

溪師詩集叙

凡欲以所長者著今博搜者必能自拔于流俗者也詩屬民多
風名山大剎不纖不畛衣食日用種、具是故得從雲泉嘗以

自學其學時或勉吾儒格致弄筆于文字間率有可觀者吾鄉
之為浮屠內則不然衣食日用每窘窮乏苟非指世徇俗應
緣取資則魚以自給故自童行至為僧所誦習者不過尋常經
文數卷佛事數段可以應緣取資足矣祖師西來志且不暇問
而奚暇于文墨之為灯、相傳滴、一律勢使然也拙古宕蕺
溪師本儒家祝髮事金仙立志勇猛畧無進轉然書生習氣不
除時以吟風詠月自遣而又挑包飛錫至游方外交亦終由是
以博其聞故唱酬日益富不徒碌、鄉里應緣取資而已今春
秋四百五十甲子矣俱一旦滅度囊中遺藁將為其徒焚燬遂
至泯沒可惜欲抄數十本散諸山佚子庶幾有傳而乃先以一
編謁予文冠其首予念其能自拔于流俗也不復辭昔李謫仙

贈杜少陵有借問因何太瘦生祇為從前作詩苦之句師別二十餘年形益癯豈不為作詩改耶因併及之俾觀者知師苦心予詩云 端平三年 六月六日 里人竹坡呂某 序

方輿勝覽敘

輿地有書尚矣自上世九丘既逸而夏之禹貢周之職方燦然明備至秦郡縣天下兩漢遂有地理郡國志歷代多勸之唐高十道 皇朝志九域皆是物也然東華紀載實難文獻不足無以參稽而立考非足履目睹則真贋詳略何從信之司馬遷貫紬經傳旁採子史又開長老之所稱而必觀九江望五湖闕洛汭行淮泗而後成河渠之書東方朔誦詩書二十二言三冬文史是用又隨師踐赤縣遊五嶽行澤陂息名山枕以所見參酌

山海經而後神異經十洲記始作李閩不博聞見不廣涉歷不
視而欲會集四海九州山川道里戶賦風俗物產人材文章名
數沿革之詳持經而已建陽祝穆和父奉新安人朱文公先生
之母黨也幼從文公諸大賢游性溫行淳李富文贈雅有意
於是書嘗按東閩浙江淮湖廣閩所至必窮登臨与予有連每
相見必孜孜訪風土事經史子集碑官野史金石刻列郡志有
可採者無必晝夜抄錄無倦色蓋為紀載張本也且許異日或
編當以相示如是者累年近訪予錢塘禹城之竹坡曰編成矣
敝名以方輿勝覽而綴梓以廣其傳屬人得勝覽也君幸為
序以冠其首予不視所載辭簡而暢事情備而核各州風物見于
今古詩歌記序之佳率皆全篇登入其事實有可拈出者則纂

緋為傾語附于各州之末較之錄此而開復舉畧而遺全循批
而失實逆濫于著述而不能含咀其英華者萬、不佞也信乎
其為感覽美學士大夫端生窓几而欲周知天下恭美翰墨而
欲得助江山當覽此書毋庸他及所謂執璫玊以觀大運提宴
會以現方來不勞餘力盡在目中信乎其為勝覽矣雖然我瞻
四方尚迷芒、思日聞于先王慨未歸于故疆必也志存乎修
據步極乎至章使吾和父涉歷稱長聞見特譯紀載益鋪張而
勝覽益輝煌是乃為邦家之光予尚得以攬據其旁

嘉熙己亥良月望日

新安呂某

伯可

父序

新安廣錄序

郡志紀載之雖久英文與事偕則簡牘浩繁或者議其煩冗事

詳文畧則不惟詞章失墜可惜事實亦無所託以傳達近世來
筆者往往于畧志之外搜詩叢粹別為文集如天台南州之類
甚眾然雖而不合覽者病之于是有以文附畧志而列之下或
有編于卷帙之末一展玩而事与文互相發明聚然在目豈復
為得紀載之体吾邦新安志敘事有法為世所稱久無能踵之
者閱三百七十有八甲子郡侯劉公炳始集邦之俊彥續之玉
堂程公珌為之序以為郡無餘事矣今僅五稷倪侯祖常心已
不愜又銳為廣錄緣豈非以記序詩等文有繫于一郡之事者
前志畧之未及續志及之而未備歟練帶花屏之篇尊官大州
之序与御書閣先達題名城陽五輪藏古岩江祈寺諸記炳
琅々可喜可愕使人事先快睹者閱卷乃咸無馬則有掩卷大

息而况自續志後政有因革事有廢興關於吏道之得失民生之戚休月異而歲不同一時即其嚴行見于紀述与召南魯頌此愧不編次以至散逸則後人何所考攷以爲訓乎此倪廣欲廣記備錄不以政成而輒怠渚邦考索与廣文上幕輔成之不以後志未備爲嫌而遂止也一日耻壁貽書于某曰前賢殘碑斷簡流落人間今廣錄靡不獵取倪廣興利除害情旧起廢爲千里無窮之計藏在人心刊諸衆石者廣錄悲無所遺其餘條目皆仍旧貫時憎廣之耳子盍爲序以冠其顛庶与玉堂續志之序蔚乎其相輝也顧晚季小子何敢与先生長者齒而鄉邦是舉實所喜聞莫敢以荒陋辭惟是某一二斐然之作廣錄誤有取焉隨地編詩因不以小大賤隸廢而詞非昌黎堆列三王

之次章為我刪之 嘉熙四年二月望 竹坡呂集 序

左氏提經序

記事而撮其要為李之法也近世有取資治通鑑上自周威烈下迄五代凡一千三百六十二年間所登載綴成四六一句一事次第連比無毫髮差舛予記誦檢閱極簡便名曰通鑑提綱予與友人徐子文共李時見之今四十年矣每以是編連去為恨訪舊諱叩友朋更不可得子成以春秋一經取高第需次餘間乃依倣是編而作左氏提綱茲以見示列十二公事以次奉義隨躋著駢駟若天成視通鑑提綱尤勝因相与道四十年前所見者子成曰亦失之矣父与子同一恨也儒先謂資治通鑑之始實接左氏傳之終子成于左氏提綱既已成編若更能于

通鑑提綱既述之餘述其可記憶者而補其不能記憶者併錄
粹以行于世則二書一千六百餘年是非得失前後貫穿文從
字順易于誦習卒然欲檢正二書中事即是以為綱目而推尋
之可不勞而獲其沾丐後李宜茂、我子成曰是吾志也乃書
以為序而堅其約云嘉熙庚子孟夏十三日竹坡呂平伯可書

清隱而素序

自四詩有大序而後之作詩成集者皆為序以冠其類近世楊
誠齋詩數多隨所進寫作止歲月各為一編凡九集、各自序
惟江湖剝溪二集他人又為序之九華陳君民瞻酷好吟詠以
甲乙第其藁徐江二君子各為述其所以作矣今又成丙藁來
請著論以別于二君子之次序謂民瞻著補誠齋故事自敘可

也而乃以見屬得非以予本可與言詩者歟夫詩求明熟則淺
俗務奇古則琅涎讀民聽詩明熟奇古而二病俱無殊不易得
首篇露光多在竹風力盡于松之句要可追古蹤作者若此甚
衆不特風暖鳥聲碎日高花影空一聯名世而已使人披玩惟
恐將盡則雖自甲至癸循環無窮誰得而厭之杜工部自開元
天宝迄至德大厯詩千四百四十餘篇句法理致老而益精東
坡先生居海外尤喜為詩精深華妙畧無老人衰憊氣蓋筆力
不為窮通老少而衰故愈出愈奇然則自兩葉以往予文將驗
民瞻于他日淳祐元年五月二十五日竹坡呂平伯可書序

王昭君辭序

女無美惡入宮見妒士無賢不肖入朝見嫉世率以為名言以

予觀之女惟美故惡者妒之士惟賢故不肖者嫉之明妃入漢
宮絕世而獨立其輩行妒之久矣當元帝按圖召幸時諸宮人
皆重賂盛工為進身計明妃以色自負獨不与故盛工惡面之
使不得見人莫不歸咎于毛延壽之技不知諸宮人之重賂政
所以使之惡面明妃而後已可進也一旦為和戎故質見問帝
始驚悔盛工皆誅死竟亦何益前輩謂蛾眉先妬明妃為去國
之人信哉嘗因是論賢者不幸与郡小並立群小不惜金珍交
結佞幸以蠲于進賢者方嚴惡唾罵之不暇決不肖効尤彼又
懼賢者之進必不使于己其交待佞幸不將自為併欲傾謬賢
者進事矣與賢者已見睚而去見大夫無可使者人主始進啓
左右平時毀譽之失實赫然震怒重寘之法不幾于噬臍乎故

為人上者于賢不肖之進退能先覺而無後悔不至如元帝之
于明妃則善矣雖然明妃近在掖廷為左右所蔽不足御帝昏
迷可知及因事而悟尚能奮威斷以誅昼工望之猛房為恭頤
所譖以死而于恭頤舞不聞行昼工之誅何耶母乃重于色而
輕于賢耶抑雖悟犹不悟有若凍冰易欺難悟与終不能悟之
言耶是可為萬世戒矣九華陳君民瞻取前載明妃出處本末
与古今歌咏全粹成編且錄之粹或疑其何必為一婦人屬意
如此比携編踏門告曰親諸公咏明妃事言人、殊而于世教
互有益為我下一轉語以見不徒編次之意予謂昔之編國風
者于咏婦人女子詩靡不備載聖人不刪焉所以垂功戒也民
瞻之意殆出于此故為即其闕于君道之大者書之

淳祐元年

五月二十五日竹坡

呂平

伯可序

胡俊伯詩集序

伐木詩作義重友朋谷風刺興此道遂泯咲生背面頃而交喪
手間可嘆也已某与俊伯生同郡學同道游鄉校又同舍皆年
少有功名志晨窓夕灯月書季致荷俊伯相琢磨甚至不苟意
場屋颯先著鞭餬口四方曠不相關每大比歲未嘗不攝首側
耳以冀吾俊伯之蜚鳴也文乃知預荐書南宮復不利甚為俊
伯恨一日雲錦天落風簷誦雖足自慰然終不若良親之為快
丙申里居汪叔永与其諸父昆弟約為華峰墨嶺之遊某當于
一往亦為欲見吾俊伯故流離間閱遂獲泰全從容酬唱聞某
有侯封溪覬先雍齒藥石常思荷孟孫之句蓋以紀實非屬上

語也別又五年北歸省松楸俊伯自峯峯高隱下越二百里得
得來訪相勞苦袖示新詩一編而以雍齒孟孫鄙句冠其首某
甚愧之反復五七古風諸詩選杜唐宋體制咸備視近世區々
風雲月露雷同一般者大有逕庭不意于此復聞正始之音三
嘆三詠殆欲起舞惟是四十年交情不以濶別替今又遠來訪
我以詩博我恍若庠序啓歎時耐久交情卓絕世俗因念有剖
心析肝于笑語交好之素而反眼下石于名位相軋之日者寧不
于俊伯重感嘆哉俊伯命為敘其詩乃述古詩二篇与少陵二
行極陳朋友相与之義以見俊伯作詩行己皆可傳不朽也雖
然丙申之會俊伯方示病心竊憂之今茲之會氣宇軒然某尚
以功名期之復其青衫入手春容輝粲炳々琅々復以見教某

又當為俊伯作續集敘云淳祐元年十一月旦友生竹坡呂序

增廣字訓序

程遠原名若庸字勿齋又字敬菴以人增廣性理字訓如程元場呂竹坡方敘右吳資深黃自然皆有序

道非可名也不得已而名之一字或差則實壞有聞矣故指名為最難孟軻氏以惻隱羞惡辭讓是非名四端而以有諸己為信韓昌黎以博愛行宜名仁義而以由是之為足乎已而無待于外為道德簡嚴明切罔差毫厘所謂百世以俟聖人而不惑者復以惡為性以慕愛為我為仁義將以名夫道反以害夫道矣近世有意于是者因其名義以為字訓勿齋程君又從而廣之三才之道散于萬殊因名求義以義定名盡在己羅中幾無餘蘊某東奔西走每欲以是與四方朋友是講是究詎意迨而之正問學之溪迨在鄉邦有如勿齋者乎為之喜而不寐若久

之嘗虞伊川先生有心統性情之語學者莫不執之以為杌然
以性論情則性情為易辨以心論性則心性為難言自晦菴朱
文公為之說曰性者心之理情者性之動心者情性之王三語
一出而心性情之名義昭若日星矣故曰說得出須要名得出
非其溪造聖道之奧安能發明千載不傳之秘如是其精當耶
抑又聞之昔人有讀尔雅不熟者謂蟹六跪而二螯他日見螭
蜈誤以為蟹食之幾死者名言夫道能謹思明辨審問于真
不至以螭蜈為蟹以誤後學者徒曰此尔雅則善矣此勿齋
增廣字訓之物意而尔某之所深望也勿齋以是偏枉教且命
為之敘故清以是書之

淳祐二年

二月

六日

竹坡

呂平

伯可書

新安廣錄續編序

郡政之善必有鋪張揚厲之文，必有紀錄，而通、相承則善政浹洽千里之福也。否則事無可述，簡編闕矣。始吾郡庠劉公炳續新安志于甲子一周之餘，閱兩政倪公祖常即金禪為廣錄，今鄧公憲繼之，文從而續焉，使其非有盛美光于前人錄，雖欲續焉得而續。昔周公東郊釐以三后，道洽政治，澤潤生民，是以曰謹始曰和，中曰戒，終備若于盛，之書時，辰戰，因民方，熙悌于虐政，所謂泳歌稱美之作，不寡無聞者。然則紀錄之有無，世道之污隆，實係焉。今由志而錄，而廣，而續，如源泉混混，因有間斷，邦人被惠，亦無終窮。雖大書特書，屢書不一書，充棟汗牛，弗厭也。雖然，郡侯為政之善，候錄總序經年條列此

賢人所易見至其平日洗手奉職無一毫妄費侯之意不過以之佐國計寬民輸行好事期無負承流宣化之責而已豈知吾郡歷年三十數厄子火而侯適當之無煩公私取辦素積百堵皆作不日而成或者天佑邦人知有所厄故啟侯之未愛惜積貯以應之欤不然則為吾邦煩擾未知何時而止故侯之善政他皆易見此独確名今當告成天朝必有為侯發明其事上當帝意嘉勞而顯擢之以慰吾邦人之去思云

淳祐二年

四月 日

郡人呂 某 序

宋雪岩詩集叙

名伯仁字器之高杭人為縣有為縣楊此之於竹坡以寓此可入武林志亦之歐陽修太師記有止字秋白

晚唐詩盛行于時雪岩酷好之至有輕軒冕之意每誦其編令人歎盡棄人間事泛而之吟弄于山顛水涯烟霞襟袖之間如

橋影分溪月柳條宿在東風脚句尤清新可愛今捧碑書渡淮
恐此事便廢盡出右錦囊手自刪改得百篇將錢之梓与江湖
諸人相角逐而属于序其首惟是僑寓馬城道遠絕少幸雪岩
亦卜集于此論交雖脫欢如平生茲又別去能不介之于怀耶
雖然尊酒盡論豈無他日淳祐二年五月二十三日竹坡呂景序

劉直之坡詩六帖叙

始予欲効白氏六帖編集坡杜二詩以便檢閱屈亡何書碑已
板行杜詩六帖矣徒有刊李杜韓柳歐蘇陳黃共為一集稱八
先生詩六帖者如五侯鯖不勞營度一、羅列于前飯賜為之
感飲今遵舊刻若直之手編坡詩六帖既以類摘句列門全粹
固有遺失又隨句注事凡本于經史子集碑書道徑釋官小說

惠明指所出大字書其旁闕毫釐然可規蓋白氏六帖類事而
略于詩八先生六帖類詩而畧于事以編事詩與蓋一極盡得
如水陸軍陳魚遺恨矣抑聞直之雅志未已謂陳黃二詩皆宋
主坡公機事益深亟將一併撤初以惠後學或疑此偏積數年
之勤而後成若史及二詩得無望詳之嘆耶噫是未知直之也
直之好李博覽手不停披人以為疲我自來此彼趙彥材江杜
詩矣漫注坡詩主于淵注黃詩矣漫注陳詩有志竟成事也在
直之宜魚雅政書以為坡詩六帖序且為陳黃二詩六帖張本
直之名長翁吟事蓋先生之曾孫也源流蓋有自云淳祐二

年六月六日

竹坡

呂升

序

竹洲文集序

尚論人物當自其世觀之建紹乾淳間人才項背相望于斯為
盛吾郡竹洲先生吳公氣蓋一時名聲大振事業亦偉大略
見于龍川陳公贈言其文章則雄溪古雅蔚有先漢風非君世
之務艰險以為奇事雕錐以為新也士及門徑指授作文皆有
法度徑、多為聞人端明程公亦已鋪陳而雄張之不知此皆
先生之細耳先生與張南軒諸儒先交漸磨蓋陶文行兼備而
尤孝于親姑取一事評之方自永寧郡丞終更對孝望舟之
即日擢守瓊邑免且促赴成敗、鄉用矣以親老迎養弗便願
尋香火之緣爰即所居葺園池亭館日具靈觴招致其親所素
相好者徜徉其中以為親娛時作歌詩父子自相屬和將終焉

身爲夫人。生莫樂于得君。今一言宿主立命。往鎮南邦。非樂於
人生。莫樂于行志。生平慷慨有志事功。是行也可以一展抱負。
非樂於哉。先生不以結。爲樂爲喜。而以得遂事親之情爲喜。
不以可行吾志爲快。而以得盡愛親之道爲快。其自處于寂寞
之濱。未嘗有哉。傲見于顏面。是奉天下之樂。無以易其娛親之
樂也。後五十有六年。嘉熙三年一夕。見夢其曾孫資深曰。內
相程公序。吾文固美。而未及吾孝行。何耶。蓋端明先生爲內相。
云耳。此其一念在孝。死枕不忘。蓋徒樂以言語文字聞于世。而
已。昔杜工部以世人誤讀其八陣圖詩。不見夢坡翁。蓋自解說
今先生之見。夢不在文詞。而在孝行。不以語他人。而惟以語其
室。仍賢于工部遠矣。是不可不書。爲文人才士者告我。

聖天子方以鉉每見必怪、屬為書此夢焉是真能世其家者
宜幸耻得書云淳祐七年十月二十七日 復學 呂平 書

或問序

地理之難言久矣謂其不可信耶則孫鍾之鶴毛陶侃之牛眠
與昭明之不利長渚大雅之害兄若符契之合人誰敢不信謂
其必可信耶則成子高惟擇不食之地韓淮陰惟營地之高燥
初無微子相卜而溫公之論莖書伊川之論方位直欲揮之門
牆之外似又未可尽信也噫安龍頭莖龍耳不三年萬乘至其
言果應于古日子孫百代承天祉誰知言者青鳥于其詩實獲
于古賢地理言出禍福往、有不旋踵而立見者此世人所以
殫其信之而其書所以罕不可腹也儒先之說特惧人有所拘

泥而久不莫其親云耳游君務僣精于相地乎自注孤首經書
肆堂為刊行予亦堂為著語惟其父子皆讀書為文博貫五精
熟造又稍更定其注且後為或問多以易發明之而亟求為題
其篇端則問之曰君欲致來文公四書之為或問而反復辯語
以要其真是之端乎今現天元之四象八卦地元之四吉八凶
人元之精氣鬼神山元之橫斜曲直水元之乾坤相亞陰陽互
根等說与夫重新独過石亦有可垂水來去俱得生旺宗廟不
可全憑皆有理致非時師區、膚淺者可同日語也夫明地理
者莫如孤首經得孤首經之奧者莫如郭景純今游君又為之
發明其說得矣安而通之推而行之則在乎人孟子以井地之
制居畢戰而卒之曰若夫潤澤之則在君与子清以是為現此

書之法

實施癸丑

三月

望日

竹坡

呂平

序

竹坡類藁卷

記

紹興府修火鄉館記

紹興府治西北隅有官舍曰奉使館春秋二仲奉常朝陵往來
寓息之所也某蒙臺府暨假館焉連夕聞西偏有傾摧戶起視
則從四間橫如從之數椽挽尾毀上漏旁穿將至大壞推原其
故每奉常來前數日例從稽陰兩邑委吏胥葺治如堂廳以奉
賓燕房室以便寢處東偏以備厨傳輔行官吏各有常居皆所
不可闕者不得已略大飾庶故事又以帶幕掩覆之上下相蒙
莫知寃詰三數日奉常去則責塞矣率以為常安有所謂葺治
之實則堂西偏側闕不用人迹罕到又何暇計慮及此歲沒一

步其至大礫固宜某窩惟一日必尋之義且大師汪公先生方以興白起廢自任凡官舍透路乃所可至無一毫靳惜意閤府已改現矣獨未有以是告者即偕白駒得木以支其傾否則必大壞、而後爲則必大費公慨然曰是當亟修之何以支傾爲予其督視毋違于是府斥木百十有一章以佐興補兩府剝廊斥錢百八十有八貫以給梓匠徒役瓦石丁竹點堊之需府吏各一人同司其出入堂西偏既一新又即其餘波及于廳堂荒石以防傾顛爲牆以障風日其他則俟後之人嗣葺之賜工于嘉定壬午十月二十四日竣事于十二月初九日新安呂某記

不改色亭記

新安呂某奉製餘杭日報期會不暇給顧視廨舍傾圮台沼荒

類則亦隨力支撐不致甚壞既兩年有年乃拔園葵作小亭池
上有檜一株出簷間高可五丈許如偃蓋然因以不改色扁之
蓋取歐公雪霜不改終古色之句或曰亭面桂背荷海棠橫陳
紅葉當階全皆不以名而独取義于松何耶公曰州木之能使
人品題者以有色香之可娛也予如以色香言則取彼桂荷海
棠紅葉而捨松必矣然海棠紅葉艷于春荷繁于夏桂芳于秋
各止一時而松則体備松柏氣含是本四時各不改其色亭
名取此不亦宜乎方斯亭未創松鬱々榛蔓中今凡卉別而清
標聳嘉名揭而高節彰松于吾知其無孤介不遇之歎矣公餘
來游滌煩除喧終日之勞一息之憩弛張之道也色之人士儻
自是蓋相安于魚事時和步趨松簡荆清官事無多可了予斯

有欲議吾政之然否亦進于斯或倚于檻或休于陰禁吏與呵平
易相親則斯亭之與斯檢也又宜予之自商其情者哉亭成相
石落之日承濡湏主糧簿東嘉林慶遠尉吳興婉景思稅嘉禾
婁嘉言時前簿宣誠江泰亭受代未行未會因謂之曰尉司
之作水雲樓也予記之而公書之矣公今記斯亭也予其書之
又謂丞曰子仍題蓋皆曰唯堂慶三年六月二十五日新安記

龍陽縣丞廨壁記

官無崇卑廨事皆有壁記而龍陽丞廨無之非闕也括蒼梁君
漢名門好學有志事功哦二松閣不敢以傳舍視即欲紀前人
名氏以補其闕然文獻不足無所稽訪僅斷自李公東以下得
九人李公賢而有文章異時官致戶名日起以大實權與于斯

又宜以爲冠也先是解舍敝甚梁君慨然興念以魚爲有強勉
起廢內別一間曰清專取張元清淨無欲專心經書以爲進食
種黍之所外新一室曰真清取陸贄情願扶清吏謂真清以爲
接納賓客之處皆委以書扁屋三楹溫然做藍田武功以壁記
爲屬曰將俾來者有考不至枕今之視昔也公應之曰君能先
有事于解舍而後及此可謂知所先後矣昔我高祖皇帝嘗詔
郡縣吏代歸者皆上其官舍敝壞或興葺之數以爲殿最意蓋
以官司奉事類不堅固惟一政一修第以相承廢可勿壞若特
其甚壞而後爲之則官無以爲必重費民力矣此萬世臣子所
當体承而遵守也世之居官者蓋緣以爲奸費財于無益此固
不足汙才類至以偷安爲得計以期全爲大故略于此不加念

馬則宜我藝祖明詔福謀之意乎。為茲邑日擊隳宇頽垣敗
瓦以延見士民每思一日必算之義雖煎熬不熾為補考不
必為勞民勦弊不可為生米盡餘間未嘗不營為之聞有邑人
衆相其役以故魚所糾擾而兩廡庫獄一新餘隨力補苴頽迫
替去多有未及舉者夫以累政因循而欲興作于暮月之間我
躬不聞而欲為後人無窮之計不論他人往、自笑其迂闊也
焉知同寅之賢与我志合有若梁君者乎梁君來日尚多二事
已俟集、一旦未辨隳廡舊亦有壁記讀又未能視梁君益有
愧矣故為記之因以自訟云紹定庚寅十一月望具位 新安
呂公 記 并書

意會臺記

清司主管文字廳事舊在蒼厓西北遶河濱面勢甚宜地規極
褊小上無重屋客至局促對坐跬步不可縱展年餘氣鬱不
舒如矜伏隕冉而蔽以短蓬也欲故剏墻從屋角建小月台費
無從出閱政牒得大卿林公營造餘金市材鳩工謂吉植木既
成攝衣而上羣峯畢露烟樹樓台室戶城市俱在吾目中如乍
出坎井一睹天日豈不快哉又其最佳處湖上南北諸山近在
几席三浮菴亭、碧空晨暉夕陰美換滄史是仙前賢遺蹟可
想寄遠興于天末發清思于坐中不出戶庭而得湖山佳趣坡
詩云朝曦迎客艷奎罔晚雨留人入醉鄉此意自佳君不會一
杯當屬水仙王蓋先得我心之同然者因名其台曰意全如吾
為此台也慮而不可整晚擬表以板梓人謂本輕承重勢孤高

而旁無憑依將有疾風震薄之虞且臺而不屋所以使仰視
豁胃次也詎可又自障閉如蝎循耶乃止梓人之言于其身之
本克已之事實近焉夫梓人為台者也而言有全于理吾非格
物者也而心全于其害故也記之紹定五年十一月新安呂山記

竹坡記

古人愛竹隨寓而名者多矣而其類則因人竹林以七賢類竹
溪以六逸類竹里以王摩詰類竹間以白楽天類竹洞以韓昌
黎詩類竹樓以王元之記類至如竹所未聞扁題以表景情索
遺亦類余愛竹如古人寓居生起處皆以竹名復有小園、有
坡、有竹僅千箇因結亭其間榜曰竹坡顧聲望不能全古人
萬分之一不是以使是竹坡類于今類于後則勝此坡者祇以

辱此竹耳雖然王子猷才不掩行有愧坦之而以愛竹故人稱之至今是子猷之名反以竹顯然則余姓名湮微或庶幾由是竹坡顯耶 紹定六年 五月 日 新安呂公 記

徽州刻寺丞生祠記

刻寺獨岩鎮商稅王祠記

郡邑之改本忠養堂聞其語矣李古入官、至二千石可事斯語矣生有而奉王音專臣惠養到郡屬余乃一切弗恤者亦有上不負天子下不負所奉養、惠養之改初非有為而然者夫均是人也而不同若此是有氣質之性為氣質仁孝雖強之為惡而不能氣質暴虎雖服之為善而不可所謂知惡不移也始一耳剝耨伸閱雖稱刻公寺丞當今仁孝君子也此在中朝獲望顏色聆粹氣則已徇其所聞矣其後公自說民庸出鎮番

邠明年而政成。公適還里塗。歌巷頌。併爲一侯。愛人利物之事。以次畢。奉盃醑其爲仁厚矣。一日。進拜。願下公飲之酒。而言于屋。省鎮。市閭極蕭條。敝由仁商。吾欲蠲之。基固公知于千里。疾苦云。麤不寬心。而事閔。時計懼其格。而未即行也。方辭出閭。聞已待下。及門。信宿。屬勝徧張。而又捐郡帑以補其額。廢員闕。以杜其萌。中朝庭以政其事爲之勇決。畧不淹辰。百年長惠一朝。掃去吁。嘆乎。知其非義。已之斯速。非公之氣。肅仁厚。能若是乎。鄉人聚而譏曰。吾鎮苦苛征。父矣。環市皆山舟車不通。達骨絕少。惟鄉民月遇三。八日。荷担來。會汗背額肩。志在鉅刀。而繭絲盡取。垂案而歸。屋市者每售一物。已就征矣。枕輟食狼顧。恐惕不已。度出境。良父乃定往。還卒旁午。于道。課魚。爲有橫。

加撓符不奪不饜真猛于虎也以故行不顧出居不顧歲市可
罹者官吏反搏手魚策日以課利不辨為憂公私于是俱困今
自吾到公洞燭其害而亟刻之邇途決乎而相慶商賈不日而
全集交易而邇各無驚疑井市恬嬉飽食安寢曰吏曰民如脫
痼疾如起久痿如崎岨平陽九折之險而乍農康莊之衢也公
之德不可忘已尸而祝之社而稷之吾儕寧魚寸草心報答三
春暉哉有公貌以立生祠庶幾九真之故事且以公願知願未
而屬以記既有私憂過計者嘆曰公政聲洋溢行婦天朝豈
容久私其惠于吾鎮使來者能往賢躋章甚否則未保其往也
噫天地之性其本則一仁孝之心人皆有之彼有不然者時汨
于氣稟之濁而不善反之耳未可例以薄待人也故南斗星紀

之乎黃山白水之邦前漢牧守類皆仁厚後漢聞雖公者王公提
奉也公嘗與之同朝又仁厚君子也安知往來者不皆仁厚君
子乎吾鎮其何愛鄉人權曰然願併記之將有考于他日劉公
名炳字叔文四明人今階為中奉大夫曾為象山縣開國男食
邑三百戶云瑞平二年正月旦日 具任 呂公 記

嘉賓館記

新安古号大州于今為股肱郡士大夫入川廣遠行都徑于此
者輪蹄相踵部使者歲時現問風俗太守与属僚始至或代去
何時無之僥館舍不設則無以備將迎示現瞻矣先是州有館
距三四轉運司南行衙西北行衙曰新安知北行衙又廢南名
現風州僻在一隅人迹罕到于客寓非宜嘗移其榜于新安知

以存轉運司之舊遇有載車員外置則以為所事城東北隅乾
明觀之左有沒入吏所屋屋州同改為館扁曰嘉賓而門巷隘
偏不能容車轍殊弗稱吏有家館之而又惡不便于已故下其
估以售方氏由是部使者太守占僚屬一遇去來無所憩宿士
大夫莫止往寓仗老之室不得已則僦就逆旅倪侯寺正慨
念堂之輔郡而陋若是非闕政歟昔晉文方與崇大諸侯之館
賓至如歸魚寧舊憲其後以隸人之垣羸諸侯則有壞之由車
馬者是有關於世道之行隆矣詎可謂非急務而弗亟造館西
更以民祠擊鹿台沒沒入其屋侯謂机会之來事其可已乃申
乞州自輸所估之直而得此屋以徑其始又增元所售直取方
氏屋通徹之以宏其規模有程棧張屋頗障礙二家棄侯為是

舉成願歸之以成其終僕亦時其直酌之弗靳也予更備材鳩
工增廣洲邑外畧新門台自八月六日至十一月朔凡八十有
五日而畢費錢千萬民無纖粟之擾而加賓館不惟得還曰現
且益崇大矣僕暇日命賓僚來遊地高屋疊登臨四顧眺王莫
山迎擁溪前牛山烏聊拱揖左右遂為一郡勝槩乃具願末以
書相屬曰此予父母之邦也必所樂聞請為我記之予謂今之
為州能若是者鮮矣非不能也已私錮之耳彼商計一郡之入
自上供郡計外秋毫皆吾橐中物歛而歲諸惟恐或遺其肯捐
之于公廨我囊帛匱金笑与袂終如囊城郭所書滔一皆是望
能置歸焉諸郊以清澗賓客且不宥而何有于館聞僕之到吾
郡也首詢民瘼莫切輸銀亟祈哀于朝得請乃已費出州家廩

顧惜欲士知獨方而賴濱蘇公實百世師表嘗出軍吾土即建
祠于郡李以風厲之修倉庾覽遠道除戎器今又一新賓館公
家之事知無不為也始更有緩例徇息美以嘗試侯者侯曰此
官物也盡歸諸官帑侯有公需則給之惟此一念所以能政
奉公而遷及斯館既使得如侯數輩錯落布天下捐私徇公與
利除害則萬物吐氣天下大安豈独與華館舍而已乎既為鄉
人喜又為天下望是以衆為侯書之廡來者聞者俱有警焉侯
名祖常尚書文節公之季子其行已為政真有得于家傳云
嘉熙二年十二月八日朝請大夫行監察御史 呂山 記

希賢堂記

鳳山汪君清之奉尊翁命築堂于屋之西偏以諸子姓聯書

中欲扁以梓室而獨其書于鶴山魏公、謂名同美矣未免要
人爵也。曷若脩天爵而人爵自從之乎。然則如之何而脩之曰。
濂溪周子有言。聖希天。賢希聖。士希賢。希之則脩之矣。因為易
其扁而大書曰。希賢堂。清之既揭。諸堂之顏。亟以語予。請為發
其義。予方多事。未暇也。茲又來訪。錢唐馬城之寓舍。而清益力
予。何敢輕下注脚。謹即周子之言申之。夫自士而賢。自賢而聖。
而天其功甚大。而希之、始。苟以賢為準的。賢者以伊尹之所
志。顏淵之所學。為的準。伊尹之所志。豈非欲克舜其君而無一
夫不得其所。欲顏淵之所學。豈非欲不迂恕不二過。而三月不
違仁。欲彼其耕莘野而乘克舜之道。伊尹固未嘗無顏淵之志。
居陋巷而發高邦之問。顏淵亦未嘗無伊尹之志。二大賢易地

則皆然周子時本其一出一處之頭緒者以詒天下後世耳士
而志伊尹之志則必自任以天下之重居射之有志蕞無不中
而柯樹國闔粵美矣學顏淵之孝則必清事于為仁之日枕川
之孝信行無不至而晞顏亦顏徒矣由顏淵之孝充伊尹之志
成已成物之道備矣雖然二大賢之志之孝人皆可希也而有
能而不能者誠不誠之間也誠者何實而無妄之謂也士能反
身而誠不事緣飾則立志講孝必以實而無愧于身事親獲兄
必以實而無愧于家忠信篤敬必以實而無愧于鄉黨動謹幹
必以實而無愧于官有實勝之喜無名勝之耻由是復為執焉
而賢可希焉而上之性焉安焉而聖可希又等而上之發微不
可見充周不可窮而神可希神則天矣即周子之言反矣袖鐔

而希之、功不其大哉。鶴山之望于清之不其至哉。異時清之
端處斯堂、松栢其拱而諸子姪蘭茅玉葉輝映其下、相与曰希
賢之扁、心希賢之憂心之則常日之、則益心之求其如伊
顏者去其不如伊顏者是、能尽希賢之實也。亦斯扁之助也。抑
予聞伊、思、顏、李、自孔孟而後、得周子作書而益彰周子之書、自
二程子而後、得朱文公先生訓詁而始著清之居近先生之故
屋、去先生之世未遠、故多得先生之遺言遺墨、口之不置乎之
不釋宝之不啻曲阜之廟、則予先生所傳周子希賢之說、講之
必熟、今乃不予彼而有請焉、得非以予常有意從事于斯歟。清
之幸以予前之言、得而求之又、轉以告吾鄉人、毋使新安朱文
公所傳周子之正季、泯于四方而独泯、于新安以啟東家。

此之謂是區々之望也清之曰唯清埽刻諸堂壁以同志共之
嘉慶三年長至日里人竹坡 呂人 記 并書

牧齋記

方山甫以牧名齋而貽書竹坡曰吾將以牧吾心也幸為我題
其扁而記之客有見者班曰赤子之心人所均有四端萬善皆
由是生而真得于牧母乃握苗助長之為乎竹坡曰噫牧養也
心苟得養不助而長苟不養心枕苗不耘嘗試与予現考牧之
待牧人之牧牛耳也何兼貧餒以時出入泉清林茂從其所適
牧角者耳者降者飲者寢而訖者來而升者各遂其性各得其
養而後謂之牧焉否則受人之牛耳而多牧之不得不足以為
牧矣豈有愛此心于天而不知所以養之耶雖茲養之非唯魚

害為難無害非難寡欲為難欲害其心、如不得養矣孟軻氏
有言養心莫善于寡欲汨之以貨利惑之以声色誘之以榮達
迫之以宮室之美妻妾之奉所滅窮乏之得我欲無窮害者衆
將見瘠人肥己靡有戚容而惻隱之心失嗜利忘義略無愧色
而羞惡之心失爭先從後不肯後人而辭讓之心失愛亂黑白
曲遂私意而是非之心失此心既失何養之云譬之植苗稼莠
不去培養徒勞故苗不多握而助之矣耳而可遂舍之不足乎吾
聞山甫解隄故垂絕之人倡義蘇根復之戶其季清以田易屋
慨然避之而無所取鄉閭有交惡者爭赴懇于門以夙厥成凡
吾前所謂失其心之事山甫皆無有而犹求所以收之者豈非
慎物欲無為害一息不芸茅又塞之將無以固其養耶客聳而

言曰寡欲養心既聞命矣人欲滔、未易遏也敢問何如而寡之
竹坡曰噫善哉問夫人之心易縱難收縱則馳騁于高遠蕩流
于荒唐奔放四出莫之砥止欲難寡心難收矣易曰謙、君子
卑以自牧也能謙而卑則謹畏收歛之時多馳騁流蕩之時少
動必循矩不敢自縱而何患欲之不寡心之不收哉客竊然悟
躍然喜琅然應之曰李問之道無他求其放心而已謙卑以自
牧寡欲以養心皆求放心之道也今而後知李問之不可以已
如是夫竹坡撫掌三嘆起而因記片客問答以復山甫

嘉熙四年二月日竹坡 呂 記併書

見山庵記

新安百餘大好山水邦人室戶率多依山間屋平陸則左右前

後近不陸步遠不三致里魚非山也凡人遇物罕見必駭矚指
目以為奇若生長于山朝夕與接柱一玩而忘矣于方子家置
案淡上面秦潭山自提孩髻髻迄今起居出入無日不見茲山
宜其玩而忘也一旦即旧所築書堂以見山庵名之而求記于
予呂 若驚喜創見者之為何哉記曰心不在焉視之而不見
攫金者不見市人逐鹿者不見泰山夫莫多于市人莫高于泰
山而攫金逐鹿者不之見心不在也心苟在焉坐見于牆舍見
于羹矣方子之志魏、乎常在茲山也志常在茲則見常在茲
安得玩而忘之乎矚昔嘗遊是庵徘徊四顧其西則黃山支脉
迤邐蜿蜒至是而將止其北則靈山蒼翠羅列屏障與黃山相
掩映其自南而來則金紫黃羅諸峯迤邐會于郡闔者也而秦

澤之山特峙于是庵之前方子讀書于是會賓于是食而游焉
勞而憩于是每奉自見山寧無感于陶靖節悠然見南山之詩
乎夫靖節不徒見也彼當世我相違欲以名節自全惟恐入山
之不深故以南山發興焉方子年方強仕才足以馳驅事愛父
足以踐行場屋將馳騁功名之會占一世相周旋未可遽以靖
節之見也予意其見山之端然而靜也得一反現內省却卻
屏慮而力之俱靜乎見山之蔚然而秀也得而不左而右史摘章
綏句而力之俱秀乎見山之高也得不自振于流俗而占之俱
出其類乎見山之秀也得不自立其声名而占之俱傳不朽乎
足則方子之見也而亦予之有所感也步在壬午宦遊于勤始
獲登繁畚袁公之門予時寓蕭寺公不以其不肖肯折輩行相

徑來比將歸也公觴之且贈以陶韓二文集而勉之曰庸則為
陶淵明出則為韓魏公倪仰之間十九年矣出國不能稱先生
長者之期望庶幾不自勉乎然則靖節悠哉之見正呂子當
家屋而日見之年若方子則未可也嘉熙四年八月日呂公記

李氏長春園記

人生天壤間有屋可居有田可耕有園池台榭可以日涉有賢
子孫誦詩讀書可以不墜失家聲此至樂也而行朱懷金不與
萬顧能備是樂極鮮或買山無資或立錫無地或讀書種子未
必盡如人意往、而是間有高臺大廈徇爾觀深西陌東阡日
增月廣園囿景物之可縱所如蘭玉從茲之相為輝映豈不可
樂而獲授于富貴利達如蝸牛升鳳而不疲蟬蛻好上而不已

卒于鍾鳴漏盡未嘗得一日少安厥屋載美酒逐清景以自樂
其衆者亦可憐己不廢李公生名門早入太李又重從諸先
生游問李淵源風度閑雅功名宜可戾契歟而翱翔容与不肖
与世俗爭進嘗官中都厭走紅塵僅終更浩然而歸即營長春
園于屋側而將老焉為坡為池為浦為堤為堂為亭為舍為廡
隨地之宜植以花卉与其子愚谷朝暮吟哦其間本之以魏晉
之高方參之以晚唐之清幽每出一篇相娛則為之寢食有味
味無異坡翁之与斜川也而又藏書有樓讀書有堂日課二孫
于斯愚谷琢句餘暇俯從事舉子業亦于斯所謂無遠而不自
得者蓋其蓄畬之入足辦所需而無求于外故優游哉而衆
不厭窮也視夫不恤備足衆与有其衆而不能以自衆者萬不

俾矣昔唐李愿居盤谷以爲鑒于前孰若無毀于後求于身孰
若無憂于心見高誠遠韓昌黎喜談而求道之不庵宜其當商
耶何趣向之相似也茲俞愚谷來清曰吾園中之扁不一而提
名以長春以四相時之花不咸在也幸爲我記其梗槩予方有
此志恨力未能而不庵先我著鞭曷勝忻慕乃慶昌黎盤谷之
歌以遺之歌曰長春之中茹芝以爲宮長春之下躬耕以爲耨
長春之泉溪壑双清可以泗湘長春之所橫舟商各當其所
晚淨之蓮咏陶之菊造爲容旅浦之蒲竹坡之竹相回復嘆長
春之樂予之未渠央用之則行予舍之則藏遺子孫以進李逸
放予止言祥身与心予俱泰康彼外物予不足望吾方窮屈
予野處欲往從之而未遑予徒愴愴以徜徉

搔碧閣記

山川人物初為隱顯是殆有數不偶然也江南之山天日為高而新安黃山尤高于天日凡郡郡山皆其支脉也揚之水合衆流至歙浦乃率水會而東是為浙江之源故新安山水之佳名天下按屬志者類能言之乃若自歙浦東十里為瀟潭溪沈漫渾渙淨如鏡其黃山支脉蜿蜒循水南而下至是名曰東山与潭相輝映真一勝槩而此未有品題者予友人方元美世家潭上自其先君子于所居之石築室讀書榜以求志竹裡溪窮林影茂密風帆來往莫窺其藩柵其為高人隱士之庐而斯山時亦与之俱隱姓元美先君子雖以求志終其身寧不以行義達道者望于後自堂敞于水元美始于所居之左臨流而閣為于

是滄潭涵山而朝宗東山巍，而峻極若天道神轉怒萬湧出
軒路呈露近在几席使人心開目明神思超逸而元美亦于斯
時以其鍾奇孕秀之姿以赴功名事業之會秉博而走邊鄙則
策勳于羽檄交馳之中裨臂而入場屋則脫穎于衆俊角立之
際蜚英騰茂方自茲始其季羣亦皆友弟怡，克家好孝故滄
潭東山之勝与方氏声誉之美同顯聞于時且將俱傳不朽矣
山川人物相為隱顯豈不信哉閩成已久元美詣予請名乃為
取李翰林之詩名以操碧而語之曰自有斯潭便有斯山自有
斯山便有斯碧上下相影互相摩盪非昔無而今始有也特与
人隱顯各有時耳元美曰吾聞得名固善而求志之望亦不敢
不嗣葦以承先志也予聞美璧張氏築室藝園于汴河之間踴

京師一革可就東坡先生美其闕門出仕則跼步市朝之上
門峭隱則俯仰山林之下行義求志無違不可今方氏之屋出
戶間津一蒿水活不三數日可達行都元美既達權碧之間且
不忘求志之堂得非有見于坡翁記張氏之意乎元美笑而不
答復請記其事而併書其扁予叢屢假道權碧之廬心竊忻慕
每欲問舍致鄉得有如權碧者青山橫陳其前流水縈繞其下
日夕應接以償吾志而未能也茲聞其請來為書之元美端与
事舉揭諸閭上手異時理棹而還解舟叩謁庶不為生客云

復齋記

大易之道已羅三才執一論之是非知易嘗求之復笑考其卦
義則有以見陰陽之消長君子小人之勝負考其象則有以

見聖人下達人事上順天時考其文義則又有以見修身爲君
之道無所不備也是以一端論我江君子俊以復名齋而孟
求予爲之記予始取文之所謂脩身而功于子俊者言之士君
子且身行已不遇致謹于善不善之間耳有不善未嘗不知
之未嘗復行堯之于心而不形之于迹此初九之不遠復顏子
之不二過而聖人之所深取也苟未至此而爲六二之休復則
溺悟于改過遷善之說而降心于初九復礼之仁過雖已形不
敢復萌于路人告之以有過則善庶幾近之亦聖人之所美也
至于既失而復、而又失至再至三可謂危厲然雖屢失而亦
屢復此三之頻復所以爲魚咎若子貢宰予冉求之徒雖亟見
責于聖人亦卒預于四科之列也聖人之誘人爲善于斯極矣

而有屋于習俗波蕩之中翻然自動其趨善徇方之念中行独
復以此吾道若丘卿壺子之類聖人犹將進之而不棄也士君
子能反農拙樸于文之義而修身之道洞見顯末矣乃若六五
之厚復上六之速復雖為君道設然欲復于善而柔弱無助是
僅能無悔而終不足為有為也速不知復而自取災皆是動則
有害而終無一之可行也此亦豈非士君子之所當反躬而自
省者歟子俊良田美宅家世豐腴宜將峻宇雕牆安恬而自適
曲眉豐頰列屋而閑庭可也今不此之務而速齋以處其身取
復以名其齋是固有異于世俗之好高己不速之復必其素所
講明而力行者也而真在于頻復速復耶又真在于齋之名耶
願內反方寸雖常自警而外揭扁鵲時現有為內外交相養而

于復始可服膺弗失矣雖然復之為卦必繼之剝之復者物不
可以終尽剝故受之以復陰之極者陽復生此天地生物之心
循環無窮所謂復其見天地之心也蓋惟于物其于人也亦生
与之於有生之初必欲其全之于有生之後夫者必欲其復得
塞者必欲其復通使之生、無有終窮則体天地之心順天地
之理現復之義謹厥身修而後無負于天地矣于復其勉之哉
入以事父兄出以事長上達以致君澤民無斯須不謹乎復而
是齋之名由是頭聞于時予又當為于復賦之

淳祐元年 五月一日 竹坡呂公 序記

林可山枕樓記

可山以江湖穩處扁其室樓因以枕名雪夜秉吳入越訪予于

稽山閣下曰吾欲以身遊江湖非舟不能吾欲駕舟尋穩處非
舵不可予爲我發其義余謂可山捨孤山吳祖心隱而致玉川
康節高吟洛城皆山林而跡市朝是棄平地枉席之安而泛舟
楫以涉江湖之險也如欲履險而求安則有江湖散人持舵之
說在夫持舵貴乎牢不牢則放縱而罔知所操持舵貴乎正不
正則流蕩而罔知所屬乎不知所操舟不知所屬風濤洶湧不
其危哉可山好吟江湖之詩若嘲風詠月中含讥刺則吾不知
也惟若康節平生不作皺眉事拍一满怀都是春之句則人不
我疑而舵牢矣可山好交江湖之友若泛取輕巧互相標榜則
吾不知也惟若玉川破屋數間往來皆昌黎籍湜輩則人不我
深而舵正矣既牢且正滂怒不生萬人海中一身安穩視彼抗

塵走俗逐名競利如小舟逐湍筏兀掀舞一日十二時魚非風
波而可山樵高卧百尺樓上酌酒賦詩悠然自得如乘巨艦
平湍水波不興十手爭指曰此真穩處也非善持柁者未易至
此可山以為然否淳祐二年 十二月二十二日竹坡呂公記

徽城蠲稅記

閩市征禁今急吏卒肥民旅瘠此州郡通患也而新安又非他
郡比郡在萬山間舟車不通富商大賈不至土產不過魚肉蔬
果漆蜡絲麻而已步征為額雖僅止萬緡而衣食其中者不一
往、越境發篋以逞威推肥利隨以彈毒商旅稠糞而來去索
而歸者總、也由是物貨罕聚并市蕭條前後相承恬不為怪
郡侯鄭公開藩南四月溝求民瘼近在城閭爬梳按摩是誠在

我乃具題末申 朝省罷稅務廢推官課額無巨細悉除之有
閩徑總制轉運司合李鍊錢則搏節那補不以煩有司道路現
傳商旅爭集始有富州氣象公朝寬大臣俞其清郡之人士合
辭來言曰昔劉侯缺岩寺鎮稅鎮人為立祠而子記之矣以一
鎮視一郡事体之輕重惠利之廣陋可知也鄭侯之德吾郡當
如何而報稱我方相与繪像建祠于怀恩堂以析公壽又琢磨
采石將紀其事以示悠久不忘之意子遠來端目擊斯奉願以
記清公閩商旅懋遷不憚寒暑陰阻竊寓無聊者以畫什伯之
利耳而愚奪之于故自一鎮一縣以至一州有餘少地其征其
誰不願出于塗而為一鎮一縣一州或不有為者是惜于吏商
也彼方以吏為商而肯弛商之征乎今鄭侯力行仁政買田代

析斛之輪創康平青雜之價不惜重費以修免銀之患凡可以
利吾民惠捐已高之而融祗乃其行仁政之光務然則有吏而
商者閭閻之風爭不以愧是可書以為天下功且岩鎮之融
祗也幾一再壞于賊丈夫之手幸賴記文以免是可書以昭
後人近世有為郡者嘗歛在城之稅不旋踵二子同時以妙齡
登八座相傳為衣冠盛事是可書以慰吾鄉人悵：頃祝
鄭侯之心乎咸曰然乃記之

歙縣新學記

古者家有塾党有庠術有序國有學凡所以為教者其思慮周
詳其規畫俱審上下未嘗不兼奉也周官司徒掌邦教自萬二
千五百家之鄉等而下之至五百家之黨百家之族各有其職

王制簡不帥教則自鄉而郊自郊而序亦各有習札之學焉是
以立太學以教于國設庠序以化于邑董仲舒必交舉五言之
白虎通論古之教民亦曰百里皆有師學之不嚴其詳如此一州
朝聲與五星聚奎實開文明之運其初有四書院慶曆四年始
治州縣皆立學由是李校遍天下矣吾郡由紹興以來左右
李確于它州近步以紫陽為朱文公闕里又聞于朝以建書
院南北輝映矜佩霞盛外邑亦皆有李歛為邑最大曰有李在
縣而久廢不立附庸于郡豈非闕典歟天台謝庚堂開藩之
始拜先聖于泮宮謁文公于紫陽凡兩學徑術禮文之事未嘗
不蓄于意也先是別駕洪宗烈諭得蜀本文公諸類欽刊置書
院未畢而滿去庚至銳意指帑成之雖費重無靳所以惠風李

甚渥一日預謂幕中士歛丞陸黈休寧尉趙必甯曰歛邑閭與
其可弗面費無煩縣占民一于郡乎取乃相地縣治之左岡阜
屹立四山環抱峰峦奇拔卓然在前潯陰陽向背之宜無啗語
歛隘之患山巔又先有文公祠在焉余謂建李莫如此地于是
擇工必精取材必良往始于庚戌臘月朔日落成于辛亥九月
朔日奠謁有廟講書有堂戟亭有舍不侈不陋前仇門廡
後列庑通規摹位置各得其所且迂文公祠密述祀殿講堂而
一新之視前益宏壯相占以終其後者祈門簿刻夢發歛東尉
毛洪也祭器衣服既備侯將練日輝策于先聖先師而為書舍
列君樹袖見屬曰郡有李紫陽有書院今附邑又建是李以補
其闕遺豈徒增廣李舍以為現美哉區區歛益延聖朝之風

化不待儒先之派傳勵後李光前聞而已子生長茲邑幸為我
書其事發其意也 公執書聲然曰侯勳篤若是吾郡其思賢之
三李具時頗相告相現為善可相習為非不可尚齒相遜可
尚氣相競不可昔無此李今有此李而氣象一新可今有此李
與昔無此李而無大相遠不可李有郡邑之異道同孔孟之尊
同明君臣父子夫婦長幼朋友之倫同尽惻隱羞惡辭逆是非
之心誠知而力行下李而上達義利界限必分于平時出處大
節必謹于它日庠序居宥居鄉在官在朝一皆無愧此侯之所
深望而公雖不敏不敢以不書也抑聞之士戒孤陋寡聞要事
以朋友講習然非有以聚而養之則何以朝夕羣居廣聞見而
有疑哉執侯既建是李又營置田畝以備濡養博選俊秀以充

出員定致典刑端重者領袖之主之以邑長輩應龍課之以毛
君洪其有意作成如此是國可為吾黨賀而竊有憂焉公奔走
四方每見郡邑李侯其獎有難言者大抵利附郭不利外鄉先
入則擅有其康恰後來則欲進而甚環循至賊事日以豐厚而
生徒拂若晨星凡若此者非求講習之益也吾黨漸厚文公之
櫛餘涵養致遠之器識其必知所以自異于世俗之通弊而仰
副賢侯之盛心矣敢不併書以告是歲十月望日具休呂平記

南山紫極宮記

新安城西二十五里有鎮曰岩寺。四民繁庶，類壯邑。旁有山，特起曰南山。閭閻鎮所宗也。朽鎮多火，災陰陽家者流謂此山屋南方所致，乃遭祠山頂像北方佑聖真君，其中扁曰「灵應」，以厭之。住，魚常人香火弗虔，有灵宝法師章君思道，本歙之章新人家，于默德非慕，方外遊閭皂山，尽得其師之科教，而歸鎮人，延主祠事。思道工符篆，精黃錄，鍊度自鄉郡達江浙，諸公貴人爭致之。松祈召攝，應捷，符鼓冰，詩祀我口，傳耳點戶外之屨，日夥而屋与扁榜俱不称。鎮人合辭于州，請以城南磬道宮之額曰「紫極」者，移之南山，以為重就。以思道主焉，庶其有興乎州命具其事，以報宮自有唐在城南三里許，後

繼後據為佛庐我 朝政和中復令額宣和庀于睦寇建興
以來乍修復殿尺椽片瓦靡有孑遺耗矣不廢何異是殆有
數移之南山為宜且貴

葺理次第而後闢于部 紹熙

元年八月也思道既領宮事鳩工慮材以創殿宇凝土設色
以儼像貌度弟子為道士買田畝以贖衆經書具脩輪奐一
新南山紫極宮之名一旦闢于四方思道羽化後遣子道清
大師管轄謝得一孫知宮事李正中同知宮事宋廣義嗣而
葺之又闢地起蔚金碧徇耀庶益信獨教益尊得一謂辛勤
四十年宮始脩而移額非朝廷命則無以安厥屋卓先志於
是復請于郡侯謝公以聞部比符下得一未訪喜見眉睫間
曰君生長吾鎮先師有是宮之本末君所知也今幸畢事願

以記清山家南山之陰見時見所謂真聖祠甚狹小自思道
來居日廣以肆每風晨月夕率徒衆唱步虛於雲林之墟于
山之顛鏗鏘清亮若鉤天九奏動于雲中使人飄飄有登仙
意思道上人言如不出諸口而睥睨盡背見者莫不愛敬故
能感化人心以興是宮得一又能強毅果決始終不憊以成
是宮正中瀟灑沉黙有思道風處義與其行輩亦皆克承得
一幹盡之意是宮之昌其可既乎誠使吾黨之士皆能若是
抗志堅用力勤上唱而下和前作而後從功用多不止此是
其教雖与吾黨異其事則可為吾黨勸可書也已吾鎮自建
宮後迄無火炊尤彰灼有功于人視他為老子浮屠內修靡
自達無益生民詎可同日而語是又可書也以貧故去鄉

而遊父矣所至即安、即為家然南山常在夢寐全闕宮宇
益壯而于前寧不動筆表之思異時得歸故里固不能枚屑
季其之誕放尚當登茲山賦之

紹定五年壬辰七月十五日

朝奉大夫特差充兩浙路轉運司主管文字里人

呂公著書題

休寧縣方興寺西院新建藏記

佛入中國不立文字五千四十八卷其徒相傳謂宝林大士哀
憫閻浮提中淪墮迷塗与所知竟乃聚五千四十八卷以爲輪
藏、取其靜、以明定輪取其動、以明慧由此動靜以悟定
慧佛之定慧如吾儒之定應也不知吾儒亦可例是輪藏備六
經諸子百家于一運轉頃遂悟所謂定應者乎其徒又謂諸天
鬼神大地山河龍宮釋梵種、相好具在其上所以復持五千
四十八卷使橫目而視皆生信心不知吾儒以古先聖賢刻諸
輪藏亦可復持六經諸子百家以啟人之信乎其徒又謂左旋
象天右繞象地法輪一轉統數周旋凡旋一匝當滿五千四十
八卷一遍不知吾儒諸子百家不必手披口吟惟以輪藏轉運

即可精熟已乎予聞宝林大士勅意謂五千四十八卷無非記
佛善言思所以宝藏之而又為机械輪轉以便閱習耳流傳既
遠此意寔失徂予茲嚴備極筆而忘乎誦習記憶運轉又自一
輪演為五輪金碧愈輝心目愈駛將使釋俗眩革忘實掉然具
筆手未嘗觸是枕吾儒有書不誨也諸佛之說何由以傳宝林
之意豈不遠汎乎粵有此丘法名宗德脫白方與徧參知識復
履未帰心有不懌如此佛序無經可譯如此佛堂于法無得義
勇猛心達大工役殿宇外周輪藏內飾天竺經綸固有遺 咨
我仗徒播舌皈依目擊遺存口誦心惟寺闕于我法興一時黑
白價欺善哉德師佛中龍象鬼逆神移是為釋宮天祿石渠德
乃合爪吾何有能藉諸檀那不日而成大施倡眾力主吐盟遂

濟登茲程公端明德請予記為下一轉茲舉也始予有志終之
無倦化魚為有厥幼立見是則可書以為世勸

淳祐四年 六月六日

朝議大夫起居郎兼國史院編修官資錄院檢討官 呂平記并書

明逸呂公祠堂記

徽城西三十里有呂竭呂公所為竭也竭之涑在孝悌忠竭而
鄉之間築絕溪流匯為一壑陂而下為南北二渠灌田萬畝而
羸中有呂湖為呂公所居故址郡東戴黃墩湖射蛟亭即此湖
公之生蓋在蕭梁之晉惟名字不可攷世傳公為竭時贊力雄
銀日率家僮數百相視春鍾數年而成祠事不知始于何年刻

像葺祠自方節幹山甫始明遠之題用孟貞曜例則察院右史
竹坡公爲之今遺胤枕舊仕者宗之積善之廣如此古者稱公
不名如三光堇公魯申公不害爲賢以地配姓如白渠彭城亦
何嘗不著自蕭梁時距今已八百餘年此復可知矣頃步訥齋
丞相竹坡子西城監簿與朱迪功伯鳳方尚幹汝直或功緣或
董事葺舊構新寔以完茲惟有記未及人方士清移書曹涇使
爲之涇之言曰禹之明德遠矣知者創物匪明不飾其惠無窮
斯之謂遠禹平水土以有田賦粒乃蒸民萬世永賴呂公奮自
一身惠洽一鄉推之一國天下殆無不可謂之明遠不宜祀不
云乎報本反始崇索坊庸之蜡門戶竈行之事有由來矣豈惟
今日豈惟此祠哉又按二渠之旁泓而數之方汪徐來四姓爲

大江宦商免于征徭積世厄事三姓而止其出于方之主作者
實多姑撫近聞行文爲鄉正重行籍定田主畝數元旦豁免官
戶今當科夫汝愚與徐自誠創用松木移埭疏渠若渾祐九年
經印版簿又運幹子回爲之起唐大順以來屢訂數吏毫分擲
次所謂二十三官百二十甲首者如指諸掌如昨日事不可忽
也不可忘也夫有此噶茲後成此田明遠公之賜大矣治此田
乃得營此報成民而效力于神又其序也此記之所宜常暇得
書也士清行文之來孫節幹之孫惠義知礼所謂鄉黨自好者
云

至大二年己酉步

九月

朔

里人前進士

曹涇

灵山院记

新安為郡環以萬山，名甚夥，此獨以灵名，意其必鍾奇孕秀，是生英賢以瑞斯世，不則雲興霧滿，降而甘霖以澤萬物，又不則仙佛神人，居之為標，椅皈依之所，而後可以為灵子家。及松楸去茲山可十四五里，許常望見之，宛若屏障，鈞遊徑行，幸與俯仰拱揖，黃山諸峯峭拔秀麗，從山背或懸或見，極為奇現。爾諸長老茲山有神廟，食其間曰灵王，有甘露殿，時現光異，頰曰灵金。又有佛庐，屋其麓，甚古，而以灵山之名扁其額，則其謂之灵也。固宜。予時為奉子李足跡未暇到也。矧一行作吏，隨牒四方，踰二十年，每見他山，必憶茲山。步在丙申，里屋始偕友人汪翔南游焉。時亦未暇登，顧登山姑諸山麓之佛庐，主僧德遠師。

与予生同里相稔闻予归喜见予来游又喜相劳苦作清淨供
甚殷勤予索筆磨壁间绝句云 浪漫人间现宰官束帛西走
没遮闲有时經歷名山處使憶灵山是故山别去又三換步蓮
刊前诗見遺且介翔甫未言四五庐肇建唐天祐之三襪我
朝南渡堂為禪院慶元中香積屢空垣頽壁敗不可屈禪子里
人汪仕周輩以鄰邑休寧方與寺僧正果有龍象力相与狀予
郡延主其席而寺復振自是仍為甲乙住持徑達宝嗣其後全
予智良孫崇善又嗣繼遠後皆不敢不嗣葺也顧歷年如是廢
興如是而未有紀述事若有待君子茲山不為無緣幸施我記
文予方謀退處竹坡日對湖山間徜徉灵隱天竺以適吾性又
念信美而非吾土鄉夢栩栩未嘗不在灵山之下縱不能效白

棄天子香山大有布施可無一轉以塞遠清夫山以灵名而
寸以山名則奇灵可知遠謂斯灵也唐嚴長卿掘山穿地起樓
閣閭閻雨誘碑之謂歟紫金七宝像貌莊嚴旃檀衆香宝藏湧
起之謂歟抑魚鼓錘磬朝夕擎檀香灯瓜瓞晨昏供設之謂歟
必有僧宝滄海珠而後地灵雪山草山之灵固發為寺之灵
、又係乎人之灵寺而得人灵乃生焉如龍在淵：斯灵矣
遠在茲山自祝髮為苾芻今為長老截貪嗔癡積成定慧將食
針吮水散花來杯使衆教日尊神通日廣寺由是顯山由是重
則其謂之灵也宜矣果能此也安有唐人灵山廢而法不傳之
嘆此一重公案予欲以渡遠之清可乎翔南點頭曰善哉、
当以語遠俾刻諸石永鎮山門 嘉熙三年 二月 旦日

朝請大夫守宗正少卿兼國史院編修官竇錄院檢討官呂公紀

清衆院記

清衆院在歙縣西三十里按新安誌唐大中二年建入我朝
宣和癸卯釋常照始建法堂建炎戊申釋常富稍遷而西紹興
丁巳庚午間伏殿鍾樓次第以奉皆富之爲也至淳熙壬寅得
釋廣淨惠脩惠采而僧堂藏室倉庫庖湍俱脩焉紹熙壬子釋
廣璠撤方丈而新之軒窗玲瓏藻繪稽古寺至始是盛越丙子
釋了初惠訥又建諸天閣于門益雄偉全釋紹隆与崇灯宝璫
其後謂諸天里中寺在、有之將易爲五百羅漢倣閩浙梵剎
環四壁列岩洞高下重複嵌空蒼翠雜以松柏橫以橋梁佐以

青乳白象後視于菟之屬要使是五百人皆離塵出俗之姿襟
渺寥騰于其上間見層出金色照耀行住坐卧各、自在如屋
天台屬蕩山中規模位置已有端倪行又為一寺勝槩蓋自宣
和至是幾百三十年釋子相繼辛勤締創以成此屋廬為西鄉
招提冠良不易、故俊秀多琢磨于斯鄉鄰多合成于斯士女
遇時即而嬉官吏以公事而出亦多憩飲于斯友人方山甫家
連瑞相去二里而近好李喜賓客有燕集亦必期會于斯如是
者三世矣近來訪馬城寓舍曰君与灵山寺僅有一日雅便効
白采天香山為之記清泉君舊教游乃瀾傳遠之刻独無恙乎
且灯之銳志于閤也君嘗患以疏文邦之名公隸人若善知識
見輒棄施願工役琅大未即既事願併著一語聖其勇猛母有

退轉亦成人之美也予念是寺實鄰外家自孩提距今周一甲
子與諸舅親朋不知幾到焉每見于影落寂野水繁汙墨妙
淋漓于壁間鐘聲悠揚于木杪珍樓宝屋互相輝映禪房丈室
各極清幽往往留至信宿徘徊不能去而璫初之後又皆相繼
今諸舅親朋與璫初零落殆盡予亦老矣寧不感嘆向使其法
永無傳肯堂弗念渠柄權剝庭木彫闕廢前功而蓋鄉閭豈不
令人重感歎哉茲聞輪奐欣榮視前有加喜當如何夫釋氏老
子之居其與廢何与哉華茲得人情以交際衆成事而紀跡則
亦有不客已者韓昌黎于二氏欲大其書戶其居及過大願則
尚連從僕殆不思捨泗濱浮屠跨虛突兀于掃地一空之餘亦
為澄觀攝張發揮鼎新辟非所謂緣人情以交際衆成事而紀

沐者耶予叢記紫極近記灵山亦庶幾昌黎之意而已然則慨
清泉興建之勤思曠昔遑遑之奮筆書之以從山庸之請可
不可乎寺本以方丈有泉故號玉泉是鄉之里亦以玉泉名自
寺稍遷其泉故在今寺後蔬園中宛然也茲僧俗相承寺不曰
玉泉而曰清泉云

嘉熙原子夏至日 里人

朝請大夫新知全州軍州兼管内勅農事 借紫 呂平記

慈竺院記

嘉熙三年八月八日缺尼祖塏狀于郡曰祖塏俗家美山之南
里中屬祠僧伽大士有水旱疾疫必禱必應今類毀久矣通

者大息祖澄不揆不憚于衆不丐于人自輸家財因其遺址以
崇成梵宇凡費錢五百萬三千而復成与徒衆晨香夕灯上祝
聖人壽下俾鄉人復有所皈依願昔烏棲菴今爲道場于吾佛
法國善而名額不得上賜如國王法何創而求之實難惟因
其廢于彼而取以名于此則亦條例之所許也城南太平興國
寺中有廢院曰慈竺祖澄願徙以榜之惟慈悲寺聽郡嘉其意
爲上之部、上之省至四年月下黑白衆瞻仰現喜嘆未
曾有子友人汪翔甫述其願末末以記清澄翔甫之諸姑也自
乾竺經法入中國其徒備著天堂地獄之狀屢張因果罪福之
說以爲人死爲鬼、復爲人隨善惡報還復無窮若善男子善
女人患當如是現故其誘人甚速入人甚深愚智愚時趨之婦

人女子不信嚮焉並流契有二彼其朝辭房闥暮宿禪寂割父
母深愛絕男女大欲離棄骨肉凡食壞衣以自屏于山窮水涯
足跡罕到之境而人道滅矣復有曲眉豈頰命薄志違不得已
發勇猛心爲武又摩那章之香刻香做龍蛇污雜而礼法闕矣
澄則不然幼則即始蔬涌徑蕭並有物外意嘗往師能仁寺尼
如通旋遊其家靜虛一室日以焚誦爲事或問之曰出家兒事
如是耶澄曰此吾教七衆中所謂優婆塞矣道林師所謂在家菩
薩而金色女所謂名出家者不必在阿蘭若處也已而戶外之
履常滿僧俗混處非使始別營室戶以居之而必于其族鄰鄰
近之地廣恩相愛文相接歡異於在家時也澄雖以度人爲事
然不輕受往、擇其家世之良氣質之美與其有以自給無求

于外者乃与之進俱不尔則外誘內搖將不能相与以守吾故
美此豈滅人通閼孔法者所可同日語哉內使其不具室羅末
尼之相而從事于君臣父子兄弟夫婦之常則素則懿範婦德毋
儀者必有可現者士大夫平日于親故交際膠相敬愛一旦利
害相及名位相軋反眼若不相識而事弓下石者有之苟可以
求富貴利達不背公死黨則左右詭隨雖行不顧言壞名敗義
弗恤也閼澄之風寧不不愧昔韓吏部于謝自然深致其告戒
感傷之意立詠華山女頗独假惜得非以霧閣雲窗追攀不可
其特守甚嚴有以自振于流俗者欽彼有澄之一犹見取于吏
部、而過澄當如何其称予也予故因翔甫之清極陳其事
以警世之爲尼者且以警吾黨之士而不以自警云

淳祐元年正月日朝散大夫新知金州兼管内勅農事呂一記

仁義院記

泝欽溪而西可一舍許其南有阿蘭若者枕金竺依山帶溪坊
趙宋大中祥符之元面西南向陰陽家以爲不良于是也嘉定
丙子僧守真徙向丙己茲復宗風種子浸以繁衍余晚倦還鄉
老香城上慕陶靖節香山居士乃遠滿等結蓮社者大歸泊乎
所謂在家僧者日一闍士闍門頗見憫其所則王仁義院師秀
能師四吾教中以魚爲法以有爲幼有、不有是謂大衆矧吾
宇上接肇造垂三百年棟老樞欽崇焉將暨咸淳間先師正遠
雖雲首倡營繕歟爲而未竟比意明教忘是故我有可無不可

以無吾宇迪迪律志匠是畫規模位置悉有指授為殿為堂
為廡為廊廡闢闢左啟華軒聖以堅塗甃以陶甃樸斲完好
構架孔碩山落丹雘金碧爛如于是棲佛有宮護法有神上及
諸天下肆十地莫不有像端嚴形像備具條極或跨龍鳳後視
或袒右服珠璣孔雀或跏趺生蟒或擎杵降魔訖威神光森
奕奕動奉奠能辨有識無知同不謬札竿役咸淳五年越不歷
元于今且二十稔蓋為之以久不以暫進之以暫不以遠故僅
卒有成嘻豈為然哉雖然是役也非謀人非假禮施吾唯案主
奉均委積不有吾有以為之又半吾徒若富礼德秀衍慶宣惠
庭翠俾威勤而則惕之又斥歲餘貲田以充常住粥糴計庶
表裏相資庶以弗墜昔先君左史惠幸泉石竊貴以詩如寺以

仁義名多求仁義實之句今枕煨燿發刊意公家世有夙緣願
記之以無忘厥始余夔茲謝其美辭今夫世之為浮屠者則曰
吾皇以克己望也己望蓋矣又曰營巢架木不如無心崇飾塔
廟不如一浮生若寄奚庸浪自苦于是聽其自起自仆不復以
為若有之間有知補契葺壞之說振錫擊鉢打硬抄化廣張罪
福因果以誘四方善男信女以規取鉅餽疑亦有志或者又明
好施貪慕沉涵隨日所獲為口体謀于是莫之能繼而不暇以
為今師徒餘遺有散聚勤躬疚壞無待布施作諸程：佛事信
起較常浮屠凡數寺而不寧唯是方且持律總衆監佛以號其
徒亦患倒索罄囊唯上之為向且興起且勞相之不恤且不疑
夫其捐財求施似仁紉假合之衆而畢力一心似義向之切惜

仁義以文其名者今將久不做歸梓為真有復、孟氏追揚之
意差異蓋雙跟跂甚至提提之為者不亦大可敬哉嗚呼若仁
乃義本吾儒日用常典士大夫平居暇日冠圓履方口不絕談
仁義侶知實寬竟然魚我何而利心一生雖骨肉所不違恤者
世率有之或兄弟也而閭牆或父子也而豺虎仁義幾斯尽矣
闕師之行不油然而有覺其天者乎師俗氏葉里人也敦慤而儉
藏高而見真得精進心其堅固力宜其能此魚唯者復其離性
忘形所主之車如此使冠其顛而律以吾之仁義進、豈易量
哉吾于是重有感已且因以浚吾黨之士云

至元二十二年步在顯蒙位疊二月既望前

朝議大夫知泉州事 呂沆 記

魁四星烈廟記

恭惟昭忠誕生古歟久而顯異長也英傑當隋之季群雄盜竊
獨振義旅保有江浙從衆稱王歸唐終節加昇六郡封公於越
典衡晉宮勲勞備竭既而神歸雲部民不忘其偉烈而祀之
代興弗絕吁嗟乎法施于民則祀之以勞定國則祀之德業大
實能捍大患則祀之惟王其克協朕作廟業土詒福一方此政
和中封英濟之真王祚干戈之慘昭風馬之祥此宣和中錫顯
靈之告章至隆矣加信順則以取凶殲軀疾疫威靈屢著懿績
後彰至乾道進廣惠則以抱勁節著陰功歷年滋久載德祚芳
封及八字數已殊常 繼更四朝春秋未央或易昭應昭忠之
美號茂揚神志或易廣仁武神之徽稱大闡神光恩綸煒燁聖

漢澤：吁嗟夫！創符錫爵受山河之誓存以著其号亡以顯其
灵惟王其克當歟雖茲王之廟食適于鄉邑郡邑之祠幸有記
述如島聊山則天復二年巡驛官汪台符記三迂三飾如積溪
縣則太平興國五年光祿丞朱斌記其宅存石其在婺源則
嘉祐中程侯迪因嘆祠宇甚完斯文独缺即屬記于祁門主簿
許昇卿毋沒前人之新葺其在休寧則徂吳中吳侯崇仁深嘆
廟貌不遠古壤力營亞請記于寓公嚴守金安節一變前日之
陋習至若郡西髦田之廟雄跨龍蛇之跡形勝處灵自古在昔
独更記以紀之莫可考其歲月之建立況大風雨震凌棟宇蠹
蝕倘不及右扶持併思記載又曷克有傳于它日也邇來歸還
歲浹歲乙亥長至交親貴及慨欲為改造之畫報未援從吏之

筆鄉閭閻風罔不致力乃撤斲器乃新規式或易位置乃端門
闕大殿穹窿如翬斯焉修奠廊壇如跋斯翼向之局促今廣闊
向之近曲今正直雅稱衮黼銑馬之尊愈地軸天関之的万目
具瞻一忱懽懽其可垂無窮而施罔極吁嗟乎新廟矣、真斯
所位孔受且碩万民是若寧不為升歆是頌以相享祀之不忒
歆是授也實王之灵仍師夔漢屬公幸為疏文結良緣詎可無
述位補闕政因念先君左史叢堂聚徒于穎、方岳暨隨侍受
訓往來祠下俯依惟謹神之相之脫身窮窘先君既 歷際逢
之烏府立端悃、不服勞僥叨擢匠監班笋俯仰今昔七十稔
茲相傳清白期不負神時遭艰厄神亦加軫茲獲遷松菊之情
牧束榆之景賴神以生敢不惟命和墨濡毫秋中月正對月清

光細釋異異神子無方托之而準釋文廟建永祚鄉井

西城呂沈記

古城院復興記

伏氏傳灯表善繼也惟善繼則衣法有馮宗風不墜前輝後映如灯長明錄而紀之是可垂訓矧有廢而未能復興燬而能復興施機象乃大成功熱使一方之妙勝不遽泯于灰塵詎可不為著一語以發明善傳祖灯吾鄉香潭有古城院郡誌建于唐之大中主宋宣和二平歷幾二百七十乃燬于賊寇方鵬之倣僎主僧義先勸、護法即台址遷潭西大作規模願碑于昔紹興三年在朝散輝卿記之詳矣宣和而後至德祐二年閏步百有七十又燬融風之不慎以一古刹存遺塵劫祖灯豈易顧復

哉寺之僧曰應忱曰先福焚香礼伏誓愿與復何忌使灵山展
而法不傳第方煮飯折脚錫何繇辨此大勝事舍衛多長者或
生欢喜心則事可濟尔遠濡竹溪京卿國之善士也方伏有因
發心勇猛首為建大殿設金身經、莊嚴重、丹碧且復梵坛
奉安捨田嗣葺其觀以金布誇耀于一時者又過之伏既安
居寺宜翕就于是亦盤白足悉力化緣方丈法堂左右廊展閱
亦俱見次第若藏殿若羅漢閣雖松栢未遍而伏以善化人以
善成軍無徑行慨悟為大法施以成其美如竹溪者乎雖並殿
成而妙相具堂成而妙法存振綱維于已墜闡灵光于再明崇
伏傳灯莫比切今竹溪翁能指施以興造沙門衆得藉施以
流傳異哉功德不可思議也福德賸前福德世尊伏焉得不普

須善授此六月竹溪雲道寺僧欲得記語紀履吳之由時方劇
暑衰老未能至菊月沐再簡見棧因省時昔雲遊此地艤舟溪
泝蹤步山樊古木凌霄白雲護寺盤旋竟日戔于忘歸回首使
廿七年矣茲聞山中花木尤甚香可四時不能不使人起旧時
之想則紀述重吳何可以遲鈍辭側耳如千二百處精舍苦成
即畱一造朗誦僧室人：滄海珠地灵步、雪山草之詩以為
賀時至元甲申十月初前住持僧如鑑幹緣僧愿忱允禱
立

西城

呂沈

記